

**МОНГОЛ УЛСЫН ИХ СУРГУУЛЬ  
ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛИЙН СУРГУУЛЬ  
МЭДЭЭЛЭЛ, КОМПЬЮТЕРИЙН УХААНЫ ТЭНХИМ**

Батбаярын Бат-Өлзий

**МЭДЭЭЛЛИЙН ЭХ СУРВАЛЖАА  
ХУВААЛЦАХ СОШИАЛ ПЛАТФОРМ  
(Information sources sharing social platform)**

Програм Хангамж (D 061302)  
Бакалаврын судалгааны ажил

Улаанбаатар

2022 он

**МОНГОЛ УЛСЫН ИХ СУРГУУЛЬ**  
**ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛИЙН СУРГУУЛЬ**  
**МЭДЭЭЛЭЛ, КОМПЬЮТЕРИЙН УХААНЫ ТЭНХИМ**

**МЭДЭЭЛЛИЙН ЭХ СУРВАЛЖАА ХУВААЛЦАХ**  
**СОШИАЛ ПЛАТФОРМ**

**(Information sources sharing social platform)**

Програм Хангамж (D 061302)  
Бакалаврын судалгааны ажил

Удирдагч: \_\_\_\_\_ Мастер Р. Жавхлан

Гүйцэтгэсэн: \_\_\_\_\_ Б. Бат-Өлзий (18B1NUM3474)

Улаанбаатар

2022 он

# Зохиогчийн баталгаа

Миний бие Батбаярын Бат-Өлзий "МЭДЭЭЛЛИЙН ЭХ СУРВАЛЖАА ХУВААЛЦАХ СО-  
ШИАЛ ПЛАТФОРМ" сэдэвтэй судалгааны ажлыг гүйцэтгэсэн болохыг зарлаж дараах  
зүйлсийг баталж байна:

- Ажил нь бүхэлдээ эсвэл ихэнхдээ Монгол Улсын Их Сургуулийн зэрэг горилохоор дэвшүүлсэн болно.
- Энэ ажлын аль нэг хэсгийг эсвэл бүхлээр нь ямар нэг их, дээд сургуулийн зэрэг горилохоор оруулж байгаагүй.
- Бусдын хийсэн ажлаас хуулбарлаагүй, ашигласан бол ишлэл, зүүлт хийсэн.
- Ажлыг би өөрөө (хамтарч) хийсэн ба миний хийсэн ажил, үзүүлсэн дэмжлэгийг дипломын ажилд тодорхой тусгасан.
- Ажилд тусалсан бүх эх сурвалжид талархаж байна.

Гарын үсэг: \_\_\_\_\_

Огноо: \_\_\_\_\_

## Гарчиг

ЗУРГИЙН ЖАГСААЛТ .....	iv
ХҮСНЭГТИЙН ЖАГСААЛТ .....	v
КОДЫН ЖАГСААЛТ .....	vi
УДИРТГАЛ .....	1
Зорилго .....	1
Зорилт .....	1
Сэдэв сонгох үндэслэл .....	2
Ач холбогдол .....	2
БҮЛГҮҮД .....	4
1. СЭДВИЙН ЕРӨНХИЙ СУДАЛГАА .....	4
1.1 Үндсэн ойлголтууд .....	4
1.2 Ижил төсөөтэй систем .....	6
1.3 Ашиглах технологи .....	8
2. СИСТЕМИЙН ШААРДЛАГА .....	14
2.1 Шаардлагын шинжилгээ .....	14
2.2 UX судалгаа .....	15
3. СИСТЕМИЙН АРХИТЕКТУР, ЗОХИОМЖ .....	18
3.1 Системийн архитектур .....	18
3.2 Ажлын явцын диаграм .....	18
3.3 Өгөгдлийн сангийн зохиомж .....	18
3.4 Дарааллын диаграм .....	18
3.5 Хэрэглэгчийн интерфейс дизайн .....	18
4. ХЭРЭГЖҮҮЛЭЛТ .....	19
4.1 Back-end хөгжүүлэлт .....	19
5. ҮР ДҮН .....	20

6. ДҮГНЭЛТ .....	21
------------------	----

## Зургийн жагсаалт

Зураг	Хуудас
1.1 Open Graph протоколын тагуудын сошиал дээр харагдах байдал . . . .	6
1.2 AllTop.com сайтын харагдах байдал . . . . .	6
1.3 Linktr.ee сайтын харагдах байдал . . . . .	8
1.4 Prisma тойм зураг . . . . .	12
1.5 Figma ашиглаж Card-н hover эффект дээр prototype хийсэн компонент	13
2.1 Persona 1 - Болорчулууны мэдээлэл . . . . .	15
2.2 Persona 2 - Шүрэнцэцэг . . . . .	16
2.3 Нүүр хуудас болон веб холбоос оруулах flow . . . . .	17
2.4 Оруулсан веб холбоосуудыг бусад хэрэглэгчид харах хуудас . . . . .	17

## Хүснэгтийн жагсаалт

# Кодын жагсаалт

1.1	JSX ашиглаж 'container' класстай html элемент буцаах компонент . . . . .	9
-----	--	---



## **УДИРТГАЛ**

Орчин цагт интернэт сүлжээ хүмүүсийн амьдралын салшгүй нэг хэсэг болж түүнийгээ дагаад бүхий л мэдээ мэдээллийг интернэт дэх нэмэлт эх сурвалжуудаас авдаг болсон. Аливаа зүйлс томрох тусам найдвартай, чанартай зүйлстэй зэрэгцэн худал хуурмаг зүйлс их тархдаг билээ. Үүнтэй ижлээр хүмүүс интернэт дэх хэт олон эх сурвалжууд дунд төөрч, хэрэгцээгүй мэдээлэл унших, түүнийгээ бусдад хуваалцаж бусдыг болон өөрсдийгөө үргэлжлүүлэн хохироосоор байна. Үүнээс авч үзвэл интернэт хэрэглэгчид мэргэжлийн хүмүүсийн цуглуулсан чанартай агуулгатай эх сурвалжуудыг хялбар, нэгдсэн байдлаар харах, мөн өөрөө эх сурвалжуудаа цуглуулж бусдад хуваалцах шаардлага тулгарч байна.

### **Зорилго**

Мэдээллийн эх сурвалжуудаа нэгтгэж бусдад хуваалцах, бусдын цуглуулсан эх сурвалжуудыг хялбар байдлаар харах, үнэлгээ өгөх боломжтой веб апп бүтээж интернэт хэрэглэгчдийн нэмэлт эх сурвалж олох явцыг хялбаршуулахаар зорьж байна.

### **Зорилт**

Уг веб аппыг хөгжүүлэхдээ дараах үе шатын дагуу ажиллана.

1. Хэрэглэгчийн үндсэн шаардлагуудыг тодорхойлох
2. UX судалгаа хийж хэрэглэгч суурьтай хялбар интерфейс дизайн гаргах
3. Ашиглах технологийг онол болон практик дээр суурилж судлах,
4. Системийн архитектурыг зохион байгуулж бэлдэх
5. Гаргасан баримт бичиг дээрээ тулгуурлаж хөгжүүлэлтээ хийх
6. Эцсийн хэрэглэгчиддээ зориулж бүтээгдэхүүн болгон гаргах

## Сэдэв сонгох үндэслэл

2022 оны 4-р сарын байдлаар дэлхийн нийт хүм амын 63.1 хувь буюу ойролцоогоор 5 тэрбум хүн интернэт сүлжээг хэрэглэдэг ба үүнээс 4.7 тэрбум хүн буюу 94 хувь нь өдөр тутмын амьдралдаа сошиал сүлжээг ашиглаж бусадтай харилцах, мэдээ мэдээллээ авах хэрэгцээгээ хангадаг байна <sup>1</sup>. Өөрөөр хэлбэл дэлхийн хүн амын талаас их хувь нь хэвмэлл биет материал, телевиз, радиогоос гадна нэмэлтээр интернэт дэх веб холбоосуудаар дамжин нэмэлт мэдээллээ авдаг гэсэн үг билээ.

Миний хувьд сошиал сүлжээ ашиглан уг сэдэвтэй холбоотой судалгааг<sup>2</sup> 58 интернэт хэрэглэгчдээс авсан бөгөөд тэдгээрт тулгарсан асуудлууд болон хариултуудыг дүгнэж үзвэл

- Маш олон хуурамч мэдээллүүдэд өртдөг - 36 хүн
- Өөрт хэрэгтэй мэдээллээ олоход цаг их зарцуулдаг - 41 хүн
- Сэдвийнхээ хүрээнд өөрийн олж авсан эх сурвалжуудын тоонд сэтгэл хангалуун бус байдаг - 21 хүн
- Ном, зурагтаас илүү интернэт ашиглан мэдээллээ авдаг - 53 хүн

гэсэн хариу гарсан. Иймд эдгээр болон бусад хэрэглэгчдэд шаардлагатай зөвхөн эх сурвалжуудаа олж авах, бусдад хуваалцах боломжтой сошиал платформыг бүтээсэн нь зөв гэж үзсэн тул уг сэдвийг сонгон хөгжүүлж байна.

## Ач холбогдол

Уг платформыг бүтээснээр миний хувьд бүтээгдэхүүнийг эхнээс нь дуусах хүртэлх хөгжүүлэлтийн үе шатуудтай танилцах, түүнийгээ практикаар хэрэгжүүлэх боломж бүрдэнэ.

---

<sup>1</sup>Дэлхийн интернэт хэрэглэгчдийн судалгаа: <https://www.statista.com/statistics/617136/digital-population-worldwide/>

<sup>2</sup>Эх сурвалжтай холбоотой судалгаа: <https://docs.google.com/spreadsheets/d/1CfVnHT29pkBiL0JBv7bXiKtOxERQfTzt0PmOaQ-mcd0/edit?usp=sharing>

Мөн бүтээгдэхүүн болгон гаргаж хэрэглээнд нэвтрүүлснээр дээр дурдсан асуудлыг тодорхой хэмжээнд багасах боломжтой гэж үзэж байна. Маш олон төрлөөр хэрэглэх боломжтой ба жишээ нь их сургуулийн багш оюутнууддаа зориулж сэдвийн хүрээнд нэмэлт материал бэлдэхдээ интернэт сүлжээнд байрласан унших ёстой судалгааны ажил, үзэх ёстой бичлэг, дагаж хийх ёстой практик хичээлүүдийнхээ веб холбоосуудыг хялбар байдлаар нэгтгэж, хуваалцах боломж бүрдэх юм. Мөн багш нь өөрийн сонирхдог сэдвийн хүрээнд бусдын оруулсан эх сурвалжуудтай танилцах боломжтой.

# 1. СЭДВИЙН ЕРӨНХИЙ СУДАЛГАА

Сэдвийн хүрээнд өмнө нь ажиллаж үзээгүй олон шинэ технологиудыг судалж, хооронд нь харьцуулан системдээ ашиглахад хамгийн тохиромжтой технологиудыг сонгох, цаашлаад технологийн цар хүрээнд тааруулж системээ хэрхэн өргөжүүлэх боломжтой талаарх мэдлэгийг авлаа. Уг бүлэгт өөрийн хийсэн судалгаан дээрээ үндэслэж сонгосон технологиуд болон веб платформоо бүтээхэд суурь болох ойлголтуудын талаар оруулав.

## 1.1 Үндсэн ойлголтууд

Уг судалгааны ажлыг амжилттай хийж дуусгахад доорх ойлголтуудыг өөрийн болгосон байх ёстой ба эдгээр үндсэн аргачлалууд дээр манай платформ маань суурилж байгаа билээ.

### 1.1.1 *News Aggregation*

Тодорхой ижил контентууд буюу онлайн мэдээ, нийтлэл, подкаст болон видео блогуудыг хялбар байдлаар нэгтгэж харах зориулттай хэрэглэгчид зориулсан веб аппликейшнийг хэлдэг. Өөрөөр хэлбэл олон вебсайтууд дээрх нийтлэлүүдийг хамтад нь нэг хуудаснаас харах, түүнийг унших боломжтой апп юм. Гэхдээ анхаарах зүйл нь өөр вебсайт дээр тавигдсан мэдээллийг бүтнээр нь хуулж авах нь зохиогчийн эрхийн асуудлыг үүсгэдэг. Иймд тухайн мэдээллийн эхний 50 үгийг харуулах эсвэл хэрэглэгчид веб холбоос руу шилжих боломжийг санал болгож өгөх шаардлагатай. News Aggregation нь дотроо хэд хэдэн төрлүүд байдаг ба үүнд

- News Aggregator Websites - Өөр өөр төрлийн эх сурвалжуудаас системчлэгдсэн аргаар автоматаар хэрэгтэй мэдээллийг татан авч хэрэглэгчдэд нэгтэн харуулдаг вебсайт
- Web-Based Feed Readers - Хэрэглэгчдэд интернэтээс эх сурвалжуудаа олж тухайн үндсэн домайныг өөрийн веб дээрээ нэмэх боломжийг олгосон веб дээр суурилсан

систем

- Feed Reader Applications - Суурин компьютер, гар утас, таблет зэрэг төхөөрөмж дээр суусан мэдээлэл цуглуулах, тэдгээр мэдээллийг бүлэглэн харуулах зориулалттай хэрэглэгч суурьтай интерфейс дизайнтай бүтээгдсэн аппликейшнууд. Хамгийн өргөн хэрэглээтэйд гар утасны имэйл аппууд ордог
- Social News Aggregators - Интернэт сүлжээнд хамгийн эрэлттэй байгаа мэдээнүүдийг цуглуулж, нэмэлтээр засварлан хүмүүст хүргэх зориулалттай вебсайт эсвэл аппликейшн

### 1.1.2 *Open Graph Protocol*

Бусад вебсайтууд дээрх мэдээний гарчиг, тайлбар, зураг гэх мэт мэдээллийг авч платформ дээрээ харуулахын тулд Open Graph протоколыг ашиглана. Уг протоколыг 2010 онд Facebook буюу одоогийн Meta компани өөрсдийн сошиал сүлжээндээ ашиглахын тулд гаргаж байсан. Энэхүү протокол нь Facebook сошиал сүлжээндээ бусад вебсайтуудын тодорхой мэдээллүүдийг хялбараар авч, хэрэглэгчдэд харагдуулах зориулалттай. Open Graph дээр үндсэн 4 tag байдаг ба тус бүр өөрсдийн гэсэн үүрэгтэй. Үүнд

1. og:title - Тухайн веб хуудсын гарчиг
2. og:type - Вебсайтын төрөл
3. og:image - Тухайн веб хуудас дээрх агуулгыг илэрхийлсэн png, jpg, jpeg форматтай зураг
4. og:url - Тухайн веб хуудас руу орох холбоос

Эдгээр tag-ууд нь вебийн HTML хуудасны толгой хэсэгт <meta> tag дотор байрших ба сошиал сүлжээнүүдээс гадна вебийн хандалтыг ихэсгэхийн тулд SEO буюу хайлтын оновчлол дээр ашигладаг. Мөн үндсэн tag-уудаас гадна нэмэлт мэдээллүүдийг агуулсан tag-ууд байдаг.

## 1.2. ИЖИЛ ТӨСӨӨТЭЙ СИСТЕМ БҮЛЭГ 1. СЭДВИЙН ЕРӨНХИЙ СУДАЛГАА




Зураг 1.1: Open Graph протоколын тагуудын сошиал дээр харагдах байдал

## 1.2 Ижил төсөөтэй систем

### 1.2.1 AllTop.com

AllTop.com вебсайтыг Гая Кавасаки тэргүүтэй гурван залуу нийлж үүсгэн байгуулсан бөгөөд англи хэл дээр бичигдсэн дэлхийн шилдэг эх сурвалжууд руу үсрэх холбоосыг нэгтгэж, төрөлжүүлэн хэрэглэгчдэд харуулдаг News Aggregation төрлийн вебсайт юм.



Зураг 1.2: AllTop.com сайтын харагдах байдал

## 1.2. ИЖИЛ ТӨСӨӨТЭЙ СИСТЕМ БҮЛЭГ 1. СЭДВИЙН ЕРӨНХИЙ СУДАЛГАА

Манай бүтээх гэж байгаа вебээс ялгаатай тал нь

- Зөвхөн RSS feed-тэй сайтууд дээр ажиллах боломжтой
- Интерфейсийн хувьд хэт энгийн
- Найдвартай эх сурвалжуудаас авна гэсэн учир цаанаасаа тодорхойлж өгсөн хэдэн сайтуудтай


Хөгжүүлэлтийн технологийн хувьд Javascript хэл дээр суурилсан jQuery сан болон Bootstrap CSS фрэймворкийг ашиглан бүтээсэн байна. Одоогоор News Aggregation төрлийн вебсайтууд дундаас хамгийн алдартай, хандалт ихтэй сайтуудын нэг бөгөөд үүний гол хүчин зүйл нь энэхүү сайт дээр байх мэдээг бүлэглэж ангилсан байдал болон олон жил тасралтгүй үйл ажиллагаа явуулсан байдал нь илүү хүмүүсийн итгэлийг хүлээсэн гэж үзэж байна.

### 1.2.2 *Linktr.ee*

2016 онд Алекс Закарья, Антони Закарья хэмээх ах дүү хоёр дижитал агентийн үйлчилгээ үзүүлдэг компанитай байсан ба захиалагч талдаа зориулж өөрсдийн сошиал хаягуудаа хаяг тус бүрийнхээ bio хэсэгт оруулах шаардлага гарсан байна. Гэвч нэг үйлдлээ олох дахин давтах нь цагийн гарз нэмээд төвөгтэй санагдсан тул өөрсдийн сошиал хаягууд нь нэг дор байрладаг, удирдах боломжтой платформын санаа гаргаж хөгжүүлж эхэлсэн байна. Өдгөө дэлхий даяар нийт 23 сая идэвхтэй хэрэглэгчтэй болж чадсан бөгөөд 2020 онд Reddit-н удаах шилдэг сошиал вебсайтаар шалгаржээ.

Онцлог нь гэвэл хэрэглэгч тус бүр өөр өөрийн веб хуудас үүсгэх ба түүн дээрээ бүхий л сошиал хаягуудаа сонирхолтой байдлаар жагсааж бусад хүмүүст харуулах боломжтой. Мөн таны хуудсыг нийт хэдэн хүн үзсэн, хэдэн удаа даралт авсан гэх мэт тоо баримтыг танд гаргаж өгч чадна. Интерфейс дизайны хувьд шинэлэг байгаа нь хамгийн том давуу тал гэж үзэж байна.

Уг сайтын хөгжүүлэлтийн технологийн хувьд гэвэл харьцангуй сүүлд гарсан веб учир React дээр суурилсан Next.js фрэймворк болон Node.js ашиглажээ. CSS дээрээ styled-



Зураг 1.3: Linktr.ee сайтын харагдах байдал

component-г ашигласан нь өөрсдийн онцлог интерфейс дизайнаа бүтээхэд илүү хялбар байсан талаар хөгжүүлэгчид нь дурдсан байна.

## 1.3 Ашиглах технологи

### 1.3.1 React - Javascript сан

Фэйсбүүк компани дотооддоо ашиглаж байсан технологио 2013 онд танилцуулсан нь програмчлалын Javascript хэлийг ашиглаж хийсэн Front-end library болох React<sup>1</sup> технологи юм. Declarative UI хөгжүүлэлтийн аргыг хамгийн анх дэлгэрүүлж, өргөн хэрэглээнд нэвтрүүлж чадсан тул Declarative UI-н гол төлөөлөгч гэж явдаг. Уг технологийг ашиглахын тулд үндсэн хэдэн ойлголтууд авах хэрэгтэй. Үүнд component ба түүний lifecycle, javascript-н өргөжүүлсэн хувилбар болох jsx, мөн хамгийн чухал зүйл болох Virtual DOM нар багтана.

Declarative UI гэдэг нь хэрэглэгчийн интерфейсийн кодыг бичихдээ юу зурагдах буюу render хийх үеийн интерфейсийг бүгдийг урьдчилан тодорхойлдог арга барил юм. Imperative програмчлалаас ялгаатай нь хязгаартай нөхцөлд яг юу хийхийг хатуугаар зааж өгөхгүйгээр тухайн state-с хамааруулж хэрэглэгчийн хүссэн зүйлийг гаргаж өгөх боломж-

<sup>1</sup>Reactjs official site <https://reactjs.org>



той.

React нь component-based буюу DOM дээр хэвлэж байгаа бүх зүйлс component байна гэсэн дүрмийг баримталдаг. Component үүсгэж бичихийн давуу тал нь нэг бичсэн кодоо олон дахин бичигдэхээс зайлсхийж, дахин ашиглах боломжийг олгодог. Тус бүр өөрсдийн гэсэн дотоод төлөвтэй мөн гаднаас утга хүлээн авах чадвартай. Үүнийг бид Props гэж нэрлэдэг. Мөн component нь stateless, stateful гэж хоёр хуваагддаг ба stateful component нь өөрийн гэсэн төлөвтэй, түүнийгээ удирддаг, class болон hook ашигласан функцууд байна. React-н давуу тал нь state эсвэл props-н өөрчлөлтийг үргэлж хянаж байдаг тул өөрчлөлт орж ирэхэд бүтэн хуудсыг зурах бус зөвхөн тухайн өөрчлөгдсөн component-г л дахин зурдаг. Ингэснээр энгийн вебүүдээс илүү хурдтай ажилладаг.

JSX нь Javascript Extended гэсэн үгний товчлол бөгөөд энгийнээр javascript дотор HTML-н тагуудыг бичиж өгөх мөн кодыг илүү богино болгож хүссэн үр дүндээ хүрэх боломжийг олгодог. Үүний цаана Babel гэсэн transcompiler-г ашиглаж дундын хөрвүүлэлтийг хийдэг ба хэдийгээр HTML таг бичиж байгаа харагддаг ч код дунд цэвэр HTML-г огтоос бичиж өгдөггүй гэсэн үг юм.

```

1  export function Container = ({children}) => {
2    return (
3      <div className="container">
4        {children}
5      </div>
6    )
7  }
```

Код 1.1: JSX ашиглаж 'container' класстай html элемент буцаах  
КОМПОНЕНТ

Жинхэнэ DOM дээр богино хугацаанд олон өөрчлөлт хийхэд удах асуудал гарсан тул React маань Virtual DOM гэсэн хийсвэр давхарга үүсгэж өөрчлөлтүүдээ Virtual DOM дээрээ хадгалаад нэгдсэн нэг өөрчлөлтийг жинхэнэ DOM руугаа дамжуулдаг.<sup>2</sup>

<sup>2</sup>Дадлагын хугацаандаа хийж байсан технологийн судалгаанаасаа иш татав <https://github.com/ulziibox/intern-report/blob/main/main.pdf>

### 1.3.2 Next.js - React дээр суурилсан фрэймворк

Next.js<sup>3</sup> нь React сан дээр суурилж хөгжүүлсэн нээлттэй эхийн фрэймворк бөгөөд Vercel компани 2016 онд албан ёсны танилцуулгаа хийж олон нийтэд зарласан юм. React нь зөвхөн хэрэглэгчийн интерфэйсийг зурах үүрэгтэй сан ба бусад веб хөгжүүлэлтэд хэрэгтэй хуудас хооронд шилжих гэх мэт үйлдлийг react-router болон бусад маш олон нэмэлт сангаас сонголт хийж шийдэх шаардлагатай байсан нь төслийн эхлэх явцыг удаашруулах хандлагатай байдаг. Харин Next.js ашигласнаар нэг ч тохиргоо хийлгүйгээр төслийг эхлүүлж шууд код бичих боломжийг бүрдүүлдэг. Цаана нь хийгдсэн тохиргоо нь нийт веб-сайтуудын 90 хувийн шаардлагыг хангаж чаддаг гэж үздэг нь уг фрэймворкын сүүлийн жилүүдэд эрэлттэй болж буй шалтгаануудыг нэг билээ. Иймд хэрэглэгчийн харагдах хэсгийг Next.js фрэймворк дээр хийх нь хамгийн тохиромжтой гэж үзэж байна.

Next.js давуу талуудаас дурьдвал:

- Image Optimization буюу их хэмжээтэй зураг оруулахад автоматаар зургийн чанарыг алдагдалгүйгээр хэмжээг багасгаж өгдөг
- Zero config буюу нэг ч тохиргоо хийлгүйгээр төслөө эхлүүлэх боломж
- Static Site Generator болон Server Side Render хийх
- Typescript болон Fast Refresh дэмждэг
- File-system Routing буюу “pages” гэсэн хавтас дотор үүссэн файлуудаас хамаарч веб-бейн замууд тодорхойлогддог мөн dynamic routing ашиглах боломжтой
- API Routes буюу өөр дээрээ nodejs сервер ашиглаж API endpoint гаргах боломжтой. Ингэснээр тусдаа сервер ашиглах шаардлага үүсэхгүй
- SEO буюу хайлтын системийн оновчлолыг SSR ашиглаж тохируулж өгөх гэх мэт маш олон давуу талуудтай

---

<sup>3</sup>Next.js official site <https://nextjs.org>

Мөн ердөө ганц “build” командаар статик болон динамик вебийг гарган авч ямар нэгэн веб сервер /apache, nginx гэх мэт/ ашиглалгүйгээр сервер дээрээ шууд байршуулах боломжтой юм.

### 1.3.3 PostgreSQL - Өгөгдлийн сан

Платформынхоо өгөгдлийн сан дээр ашиглахаар сонгосон PostgreSQL нь 20 жилийн турш идэвхтэйгээр нээлттэй эхээр хөгжүүлэгдэж ирсэн өгөгдлийн сан бөгөөд SQL болон JSON Query дэмждэгээрээ илүү давуу талтай юм.

Түүхийн хувьд 1986 онд Калифорнийн Их Сургуулийн Компьютерын Ухааны тэнхимд POSTGRES гэдэг нэртэйгээр төсөл нь эхэлжээ. PostgreSQL нь Linux, UNIX (AIX, BSD, HP-UX, SGI IRIX, Mac OS X, Solaris, Tru64) болон Windows үйлдлийн системүүд дээр ажилладагаас гадна Apple, Fujitsu, Red Hat, Cisco, Instagram гэх мэт томоохон компаниуд өөрсдийн зарим бүтээгдэхүүнийхээ технологийн шийдлийг уг өгөгдлийн сан дээр шийдсэн байна.


PostgreSQL-н дэмждэг хэлнүүдийн жагсаалт

- Python
- Javascript - Node.js
- Java
- C Sharp
- C/C++
- Perl
- Go
- Tcl

#### 1.3.4 Prisma - Нээлттэй эхийн ORM

Prisma нь PostgreSQL, MySQL, SQL Server, SQLite болон MongoDB ашиглаж хурдан хугацаанд, алдаа багатай апп бүтээхэд зориулагдаж гарсан нээлттэй эхийн ORM (Object–relational mapping) юм. Нийт 3 хэсгээс бүрдэх ба үүнд

1. Prisma Client - Node.js болон Typescript хэл ашиглаж query бичих багаж
2. Prisma Migrate - Prisma Cli, Prisma Scheme ашиглан migration хийх багаж
3. Prisma Studio - GUI ашиглан өгөгдлийн сангаа харах, засвар боломжтой багажууд багтана.



Зураг 1.4: Prisma тойм зураг


Уг технологийг сонгох болсон гол шалтгаан нь Typescript болон интерфейс хэсгээ хийх фрэймворк болох Next.js-тэй зохицож ажилладаг, мөн ажлыг хялбаршуулж байгаад юм.

#### 1.3.5 Figma - интерфейс дизайн, Prototype хувилбар гаргах багаж

Миний хувьд уг платформоо бүтээхдээ хөгжүүлэлтийн үе шатуудыг судлах, түүнийгээ практик дээр хэрэгжүүлэх зорилготой байгаа эхнээс нь бүхий л зүйлсээ чанартайгаар гүйцэтгэхийг оролдож байгаа. Уг үе шатуудад орчин үеийн аргачлалаар хэрэглэгчийн интерфейс дизайн гаргах, түүнийгээ Prototype түвшинд хүргэж туршиж үзэх нь зайлшгүй багтана. Иймд User Experience болон хэрэглэгчийн интерфейсээ гаргахдаа веб дээр суурилсан Figma гэх багажтай танилцан, ашиглаж байна.

Figma нь 2015 онд анх үүсэж байсан бөгөөд веб суурьтай тул ямар ч үйлдлийн систем дээр ажиллах боломжтой. Мөн Vector болон Raster төрлийн зурагтай харьдаг, олон дизайнерууд бодит хугацаанд хамтдаа ашиглах боломжтой, веб болон гар утасны аппын интерфэйс хөгжүүлэлтэй ижил системээр (жишээ нь адилхан component гэх ойлголттой) явдаг нь үүнийг сонгох хамгийн том давуу тал болж өгсөн.

Зурсан интерфэйсүүдээ хооронд нь холбож хийсвэрээр аппаа ажиллуулан хэрэглэгчийн туршилт хийх хэсгийг Prototype гэдэг бөгөөд заавал кодын хэрэгжүүлэлт хийж цаг хугацаа болон мөнгөн зардал гаргалгүйгээр хийж буй аппаа хэрэглэгчээр туршуулах, үр дүнгээ гарган авч түүнийгээ сайжруулах нөхцөлийг уг веб аппликейшн маань гаргаж өгсөн нь UX/UI дизайнеруудын ашиглах болсон хамгийн том шалтгаануудын нэг юм.



Зураг 1.5: Figma ашиглаж Card-н hover эффект дээр prototype хийсэн компонент

## 2. СИСТЕМИЙН ШААРДЛАГА

Уг бүлэг нь системийн хэрэглэгчийн зүгээс тавигдах шаардлагыг тодорхойлж, тухайн гаргасан шаардлагууд дээрээ үндэслэн UX судалгаа хийсэн талаарх гарах ба хэрэглэгч суурьтай интерфэйс дизайн гаргахад тулгарсан асуудлуудыг товч дурдлаа.

### 2.1 Шаардлагын шинжилгээ

#### 2.1.1 Хэрэглэгчид

Интернер сүлжээ ашиглан мэдээлэл авдаг, бусадтай хуваалцдаг бүх төрлийн хэрэглэгчид

#### 2.1.2 Функционал шаардлагууд

- Веб нь бусад веб холбоосуудыг дангаар нь болон бүлэглэж оруулах боломжтой байх
- Нийт хэрэглэгчдийн оруулсан веб холбоосууд, хэрэглэгчдийн мэдээллээс түлхүүр үгээр хайлт хийх боломжтой байх
- Хэрэглэгч бүлэглэж оруулсан холбоосуудаа бусад хүмүүстэй хуваалцах боломжтой байх
- Хэрэглэгч платформ дээрх дурын хүнээ дагах, түүний оруулсан веб холбоосуудыг харах боломжтой байх
- Бусад хүмүүсийн оруулсан веб холбоосууд дээр хэрэглэгч үнэлгээ өгдөг боломжтой байх

#### 2.1.3 Функционал бус шаардлагууд

- Веб нь хэрэглэгч ашиглахад хялбар интерфэйстэй байх

- Интерфейс дизайн нь түлхүү цагаан болон брэнд өнгийг хадгалсан шинэлэг дизайн-тай байх
- Веб дээр нийтлэл оруулах үед бусад веб холбоосуудын Open Graph мэдээллийг 500 миллисекундэд багтаан авдаг байх
- Веб нь бүхий л төрлийн төхөөрөмжүүд дээр интерфэйсийн алдаагүй ажиллах Responsive бүтэцтэй байх
- Веб холбоос оруулах үед дээд тал нь хоёр hashtag ашигладаг байх
- Хэрэглэгч хэдэн ч удаа веб холбоос оруулах боломжтой байх

## 2.2 UX судалгаа

Хэрэглэгч суурьтай дизайн гаргахад хамгийн чухал зүйл бол хэрэглэгчээ танин тэдгээрээс судалгаа авах, гаргасан үр дүнгээ ашиглан дизайнаа хөгжүүлэх, тодорхой тооны хэрэглэгчээр туршиулж сайжруулах үе шат юм. Миний хувьд эхлээд хэрэглэгчээ тодорхойлж, тус бүрийн Use Case-г гарган түүн дээ зориулан Wireframe хувилбар гаргасан.

### 2.2.1 User Personas

#### Persona 1 - Болорчулуун

**Нэр:** Болорчулуун

**Нас:** 24

**Хүйс:** Эрэгтэй

**Ажил:** Програмын хангамжийн инженер

**Байршил:** Монгол улс, Улаанбаатар хот

**Боловсрол:** МУИС, Мэдээллийн технологи - 2020 он

**Гэр бүл:** Ганц бие

**Илэрхийлэмж:** Ганцаараа байх дуртай

Зураг 2.1: Persona 1 - Болорчулууны мэдээлэл

#### Use Case

- Өглөө ажил дээрээ эхний 20 минут мэргэжилтэйгээ холбоотой нийтлэлүүд унших дуртай
- Веб хөтөч дээрээ таалагдсан эсвэл дараа нь унших ёстой холбоосуудаа bookmark хийж хадгалж авдаг боловч зөвхөн ажлын компьютер дээр л тэдгээр холбоос маань хадгалагддаг. Өөр рүүгээ веб холбоосоо цуглуулж явуулахаас залхуу хүрдэг

### Persona 2 - Шүрэнцэцэгийн мэдээлэл

**Нэр:** Шүрэнцэцэг

**Нас:** 27

**Хүйс:** Эмэгтэй

**Ажил:** Сэтгүүлч

**Байршил:** Монгол улс, Улаанбаатар хот

**Боловсрол:** Зохиомж дээд сургууль, Олон улсын сэтгүүлч - 2016

**Гэр бүл:** Найз залуутай

**Илэрхийлэмж:** Нээлттэй харилцаатай

Зураг 2.2: Persona 2 - Шүрэнцэцэг


### Use Case

- Миний хувьд мэдээгээ бэлтгэхдээ дийлэнхдээ интернет дэх эх сурвалжуудаас бэлтгэдэг. Нэг асуудал байдаг маань эх сурвалж авдаг хэдхэн вэбсайт дунд л эргэлдэж байгаа.
- Олсон мэдээллүүдээ хамт ажиллаж буй хүмүүс рүүгээ явуулахдаа Telegram ашиглан нэг нэгээр нь хуулж тавин явуулдаг. Хүн болгон руу ингэж явуулах нь надад төвөгтэй байдаг


### 2.2.2 Гаргасан интерфейс загварын эхний хувилбар

Уг хэсэг дээр хэрэглэгчдийн Use Case, Empathy загвар дээр тулгуурлаж Wireframe болон High Fidelity түвшний интерфейс загвар гаргасан. Жишээ зургууд оруулав





Зураг 2.3: Нүүр хуудас болон веб холбоос оруулах flow



Зураг 2.4: Оруулсан веб холбоосуудыг бусад хэрэглэгчид харах хуудас

## **3. СИСТЕМИЙН АРХИТЕКТУР, ЗОХИОМЖ**

**3.1 Системийн архитектур**

**3.2 Ажлын явцын диаграм**

**3.3 Өгөгдлийн сангийн зохиомж**

**3.4 Дарааллын диаграм**

**3.5 Хэрэглэгчийн интерфейс дизайн**

## 4. ХЭРЭГЖҮҮЛЭЛТ

Lorem ipsum

### 4.1 Back-end хөгжүүлэлт

Lorem ipsum

## **5. ҮР ДҮН**

## **6. ДҮГНЭЛТ**